

PROOEMIUM.



Annum Sæcularem Ecclesiæ Cæsareæ, quæ ab ipsis primordiis M. Aurelio Augustino Hippone Episcopo, & Religionis ab eo dictæ Optimo Parenti ex voto Friderici III. Aug. Austriaci consecrata est, condi cœpta Quartum, * ab introductione Reformatæ Augustiniano- rum Discalceat. Religionis auspiciis gloriosissimæ memoriæ Ferdinandi II. Augusti Primum * acturi, receptum tam privatim, quàm publicè morem sequimur. Exempla ejusmodi celebritatum, qua sacra, qua profana, annales exhibent, mysticis etiam (si Rutilio Benzonio credimus) * figuris præsignata, cùm Noë lapsis centum annis, quos arcæ struendæ impenderat, votiva DEO, & velut sæcularia sacra, peregit. Ut taceamus, vel annos Jubilæos lege Numinis Israël præceptos, aut sæcularem ætatem Romanis à C. U. celeberrimam, quam in ære, & nummis, posteris transcripsere. Quin & ominis locò Centenarium numerum fuisse liquet, quòd plerùmque maxima quæque eò numero designarent: Viros, quibus Respublica curæ esset, totidem legerent, locum agitandis consiliis decretum, Centumviralem hastam dicerent, ipsa sacrificia, quæ Solemnissima habebantur, ludis sæcularibus actis, centum aris, totidemque victimis definirent, inde heccatombe dicta. Quid, quòd S. Mater Ecclesia centesimum annum celeberrimum, & Jubilæum habeat, ut emensâ quadam annorum serie DEO Tutori, Conservatori gratias, sæculari Sacrificio, confluyente in immensum populo, persolvat. Hoc animo sæcularem suum annum Augustiniana Discalceata Religio celebrem habet, quò Regi sæculorum inmortalis DEO * Augustissimæ Domui Austriacæ, quam sæculorum exemplo, & admirationi Providentia servat, pro modulo saltè grati animi testimonia exhiberemus. Originem proinde Basilicæ Cæsareæ (cui gratiâ Augustissimorum deseruimus) Progressum, res notari dignas, mortuales lapides herou nominiibus insignes, seriem tandem sumæ nobilitatis lapsis quadringentis annis conditæ, quantum per vetustatis tenebras, & scriptorum propè omnium jacturâ licet dabimus, ut viventes videant, sciant posteris, quàm jure præsens secularis, nobis sit Annus divinæ Bonitatis. *

* Jacta s.
sunt Fun-
damenta
1330. M. S.
* An. Chr.
1630. 16.
Maji M. S.

* Tract. de
An. S. Jub.

* r. ad
Thim. i.

* S. Ambt.
L. de Inf.
Basi. Virg. c. 15.